

堯陵考卷上

陵廟

濟陰郡成陽有堯冢靈臺

漢書地理志

秦定二年四月丁酉濮州鄆城縣言城西堯冢上有

佛寺請徙之不報

元史本紀

宏治五年五月壬辰山東曹州儒學學正濮琰言州

哈佛大學漢和  
圖書館珍藏印

治東北五十里雷澤鄉有堯冢并其母慶都墓漢唐  
以來或祀或否元至正間嘗為河水所沒久之水去  
又闢為僧寺國朝成化初撤寺為祠尋廢之實無以  
昭祀典乞勅有司立祠修祀庶致聖賢不終於湮沒  
命所司知之

明孝宗實錄

瓠子河出東郡濮陽縣北河東至濟陰句陽縣為新

溝注曰瓠河故瀆又東逕句陽之成陽城北側帝王

世紀曰堯葬濟陰成陽西北四十里是為穀

按穀下  
脫一林

字墨子以為堯堂高三尺土階三等北教八狄道死

葬蛭山之陰山海經曰堯葬狄山之陽一名崇山二

說各殊以為成陽近是堯冢也余按小成陽在成陽  
西南半里許實中俗諺以為囚堯城士安蓋以是為

堯冢也

水經并注

又東北過廩邱縣爲濮水注曰瓠河又左逕雷澤北  
其澤藪在大成陽縣故城西北一十餘里昔華胥履  
大蹟處也其陂東西二十餘里南北一十五里卽舜  
所漁也澤之東南卽成縣故史記曰武王是封弟季  
載於成應劭曰其後乃遷於成之陽故曰成陽也地

理志曰成陽有堯冢靈臺今成陽城西二里有堯陵  
陵南一里有堯母慶都陵於城爲西南稱曰靈都鄉  
曰崇仁邑號修義皆立廟四周列水潭而不流水澤  
通泉泉不耗竭至豐魚筍不敢採捕前竝列數碑栝  
柏數株檀馬成林二陵南北列馳道逕通皆以磚砌  
之尚修整堯陵東城西五十餘步中山夫人祠堯妃

也石壁墀堦仍舊南西北三面長櫟聯蔭扶疏至里餘  
中山夫人祠南有仲山甫冢冢西有石廟羊虎傾低  
破碎畧盡於城爲西南在靈臺之東北按郭緣生述  
征記自漢迄晉二千石及丞尉多刊石述敘堯卽位  
至永嘉三年二千七百二十有一載記於堯妃按妃字疑  
是碑見漢建寧四年五月成陽令管遵所立碑文云

堯陵北山甫墓南二冢間伍員祠晉大安中立一碑  
是永興中建今碑祠竝無處所又言堯陵在城南九  
里中山夫人祠在城南二里東南六里堯母慶都冢  
堯陵北二里有仲山甫墓考地驗狀咸爲疏僻蓋聞  
疑書疑耳同前

帝堯陶唐氏元年丙子帝卽位居冀命羲和歷象五

年初巡狩四岳七年有麟十二年初治兵十六年渠  
搜氏來賓十九年命共工治河二十九年春焦僥氏  
來朝貢沒羽四十二年景星見於翼五十年帝遊於  
首山乘素車元駒五十三年帝祭於洛五十八年帝  
使后稷放帝子朱於丹水六十一年命崇伯鯀治河  
六十九年黜崇伯鯀七十年春正月帝使四岳錫虞

舜命七十一年帝命二女嬪於舜七十三年春正月  
舜受終於文祖七十四年虞舜初巡狩四岳七十五  
年司空禹治水七十六年司空伐曹魏之戎克之八  
十六年司空入覲費用元圭八十七年初建十有二  
州八十九年作游宮於陶九十年帝游居于陶九十  
七年司空巡十有二州一百年帝陟于陶竹書紀年

堯以甲申歲生甲辰卽帝位甲午徵舜甲寅舜代行  
天子事辛巳崩年百十八在位九十八年葬于濟陰  
之城陽西北是爲穀林帝王世紀

堯葬於穀林通樹之高誘注曰通林以爲樹也傳曰

堯葬成陽此云穀林成陽山下有穀林呂氏春秋并注

唐堯葬成陽穀林皇覽曰堯冢在濟陽城劉向曰堯

葬濟陰邱壠山

宋鄆州

馬端臨文獻通考

李氏文藻曰史記集解引皇覽云堯冢在濟陰城

已不可解而此又作濟陽城皆傳寫之譌也其下

注宋鄆州三字則其時致祭或在鄆州耳

帝堯葬濟陰陳禹謨補注曰劉向曰堯葬濟陰邱壠

山皇覽曰堯冢在濟陰成陽郭緣生述征記云成陽

城東南九里有堯陵陵東有中夫人<sup>山夫</sup>祔祠在城南二里蓋堯妃也東南六里有慶都冢上有祠廟水經注言成陽城西二里有堯陵陵南一里有慶都陵于城爲西南稱曰靈臺路史云堯之冢在濟陰成陽漢章帝元和二年使奉太牢祠堯于成陽靈臺是其處也今在濮之雷澤東南而王充乃云墓崇山墨子則謂

北教八狄道死南己之市而墓蛭山之陰蓋儀墓爾

北堂書鈔

堯墓穀林補注曰呂氏春秋云堯墓于穀林通樹之

案注云通林以爲樹也傳曰堯墓穀林成陽山下有

穀林

同上

漢書地理志濟陰成陽有堯冢靈臺後漢書章帝紀

元和二年二月東巡狩使使者祠唐堯于成陽靈臺  
安帝紀延光三年二月庚寅使使者祠唐堯于成陽  
皇覽云堯冢在濟陰成陽皇甫謐帝王世紀云堯墓  
濟陰成陽西北四十里是為穀林水經注成陽西二  
里有堯陵陵南一里有堯母慶都陵于城為西南稱  
曰靈臺鄉曰崇仁邑號修義皆立廟四周列水潭而

不流水澤通泉泉不耗竭至豐魚筍不敢採捕廟前  
竝列數碑栝柏成林二陵南北列馳道逕通皆以磚  
砌之尚修整堯陵東城西五十餘步中山夫人祠堯  
妃也石壁階墀仍舊南西北三面長櫟聯蔭扶疏里  
餘中山夫人祠南有仲山甫冢冢西有石廟羊虎破  
碎畧盡於城為西南在靈臺之東北宋史神宗熙寧



元年七月己卯知濮州韓鐸言堯陵在雷澤縣東穀  
林山陵南有堯母慶都靈臺廟請敕本州春秋致祭  
置守陵五戶免其租奉洒掃從之而集古錄有漢堯  
祠及堯母祠碑是廟與碑宋時猶在也然開寶之詔  
帝堯之祠乃在鄆州今在東平州東北三十里蘆泉山之陽意者自石  
晉開運之初黃河決于曹濮堯陵爲水所浸乃移之

高地乎而後代因之不復考正矣

日知錄

李氏文藻曰究以濮琰之言為確

舜陟方乃死見於書禹會諸侯於塗山見於傳惟堯  
不聞有巡狩之事墨子曰堯北教乎八狄道死葬蛩  
山之陰舜西教乎七戎道死葬南己之市禹東教乎  
九夷道死葬會稽之山此戰國時人之說也自此以

後呂氏春秋則曰堯葬於穀林太史公則曰堯作游  
宮成陽劉向則曰堯葬濟陰竹書紀年則曰帝堯八  
十九年作游宮于陶九十年帝游居于陶一百年帝  
陟于陶說文陶再成邱也在濟陰有堯城堯嘗所居  
故堯號陶唐氏而堯之冢始定于成陽矣但堯都平  
陽相去甚遠耄期之年禪位之後豈復有游巡之事

哉因堯偃朱之說竝出於竹書而鄆城之跡亦復相  
近詩書所不載千世之遠其安能信之

同上

書堯避舜於濟陰今定陶有堯冢信乎

太平御覽引  
袁子法

城陽縣有堯冢自漢晉二千石及丞尉刊石甚衆堯  
卽位至永嘉三年二千七百二十有一載記于堯碑

太平御覽引

續述征記

按此條文與水經注所引畧有異同故竝載之

堯陵在濮州東六十里舊雷澤城西二里陵高四丈  
五尺廣二十餘丈南一里有堯母慶都陵堯陵東城  
西五十餘步有中山夫人祠墓堯妃也曹州府志

帝堯廟在府城東北六十里後人又建於城內西北

隅

同上

李氏文藻曰此因山東通志而誤

帝堯廟在曹縣治東陶為始封地歷代有祠同上

李氏文藻曰堯作游宮于陶非始封也

帝堯廟在濮州東南九十里穀林寺在濮州東南九

十里

同上

李氏文藻曰此俱因山東通志而誤應作六十里

帝堯廟在濮州東南九十里故成陽城西卽堯陵也  
舊有堯母靈臺并中山夫人祠 山東通志

李氏文藻曰陵在州東南實六十里云九十里誤  
帝堯廟在曹州府城東北六十里雷澤城西漢成陽  
縣西有堯祠隋改成陽為雷澤治在縣東三十里後  
人亦建祠于此一在府城內 同上

堯陵在荷澤縣東北六十里舊雷澤城西二里本在  
濮州之南今入曹境陵高四丈五尺廣二十餘丈陵  
南一里有堯母慶都陵堯陵東城西五十餘步有中  
山夫人祠墓堯妃也 同上

李氏文藻曰堯陵屬濮州此云屬荷澤未詳

山海經狄山帝堯墓于陽帝嚳墓于陰郭璞注云帝

魯冢在頓邱城南臺陰野中呂氏春秋堯葬穀林今

成陽縣西由此觀之狄山之陰為頓邱臺陰其陽則

成陽穀林也史記堯葬穀林

李氏文藻曰史記無此語乃澠氏集解引呂氏

春秋

皇甫謐曰穀林即成陽劉向曰堯葬濟陰皇覽

堯冢在濟陰成陽帝王世紀堯葬于濟陰之成陽西

北是為穀林考之前漢書志濟陰郡領縣九其五曰

成成陽注云有堯冢靈臺禹貢雷澤在西北後漢書

志濟陰郡領縣十三其三曰成陽亦云有堯冢靈臺

有雷澤晉書志濟陽郡領縣九其九曰成陽注云堯

冢在西有明徵矣括地志堯陵在濮州雷澤縣太平

寰宇記堯陵在雷澤城西三十里按隋書志東平郡

有雷澤縣蓋後齊廢成陽隋置雷澤縣在成陽之東

金改爲鎮改屬鄆州元濮州屬東平路又十道志堯  
冢在曹州界蓋雷澤在濮之東南實曹之東北云攷  
水經注雷澤之東南卽成陽縣城西二里有堯陵陵  
南一里有堯母慶都陵于城爲西南稱曰靈臺鄉曰  
崇仁邑號修義皆立廟四周列水潭而不流水澤通  
泉泉不耗竭至豐魚筍不敢採捕前竝列數碑栝柏

數株檀馬成林二陵南北列馳道逕通皆以磚砌之  
尚修整堯陵東城西五十五步中山夫人祠堯妃也  
石壁堦墀仍舊南西北三面長櫟聯蔭扶疏里餘按  
郭緣生述征記自漢迄晉二千石及丞尉多刊石述  
敘堯卽位至永嘉三年二千七百二十有一載記於  
碑鄆道元去古未遠述之倍詳其見於碑者漢熹平

中濟陰太守孟郁聞堯陵在成陽遣曹掾具中牢祠  
之十年宣詔行縣祠堯得膏甘雨修治殿閣永康元  
年立碑又建寧中廷尉仲定以漢爲堯之苗裔奏請  
修復祠廟有成陽靈臺碑熹平四年濟陽太守張寵  
追慕聖烈致祠立壇有碑光和中潁川唐扶爲成陽  
令依陵宅廟造立校堂十年邑人立石頌之各碑雖

歷久剝毀而遺文猶約畧可紀至于歷朝祀典按熹  
平碑云聖漢龍興纘堯之績祀以上犧暨于亾新禮  
祠遂絕是西漢初已有成陽之祀矣後漢元和二年  
章帝東巡狩遣使者祠唐堯于成陽靈帝時從廷尉  
仲定之請修祠復舊歲以春秋奉太牢祀見靈臺碑  
又寰宇記堯陵在雷澤唐貞觀十年詔禁芻牧及春

秋祭酌又文獻通考宋乾德四年詔先代帝王陵寢各給守陵五戶長吏春秋奉祀其堯陵下注在成陽穀林熙寧元年知濮州韓鐸言堯陵在本州雷澤縣東穀林山陵南有堯母慶都靈臺請勅本州春秋致祭置守陵戶免其租稅俾奉洒掃詔給守陵五戶政和三年定五禮新儀乃享陶唐氏于濮州以司徒契

配合而觀之前代之祀堯陵者未有不於穀林者也然有以帝都為重者後魏太和十六年詔曰帝堯樹則天之功興巍巍之治可祀於平陽此後唐顯慶三年天寶六載宋乾德元年皆祀堯於平陽至四年詔給守陵則於濮州之穀林也是以徽宗徑祭濮州陵廟合享宋既南遷金元舉祀仍屬平陽而濮州之祀



遂廢惟存元徐世雄書帝堯墓一碑而已明洪武四  
年太祖詔祀先代陵廟乃祀堯於東平州祭文云考  
君陵墓在此特遣官奠祀修陵是年遣編修葛守誠  
赴東平葺陵建祠著為祀典今按陵在州東北二十  
里蘆泉山陽乃古無鹽縣地歷稽往籍未有傳聞不  
知當日何所依據豈以雷澤在隋屬東平郡金屬鄆

州元屬東平路而誤以屬之東平耶宏治七年禮部  
尚書耿裕令濮州學正濮琰上狀將辨正其祀而耿  
旋轉吏部事不果行嘉靖初巡撫陳鳳梧檄知州張  
寰修建堯廟置祀田一頃二十畝今堯陵在舊成陽  
城西高四丈五尺廣二十餘丈大聖靈域歸然尚存  
而將享久湮歷四百餘年而不能復今奉

詔修葺先聖陵寢正釐正明禋之時謹備載之以資

禮官之攷証云

同上。按延熹碑內誤作熹平

古今之事緒無窮而地理之差尤為難於究竟堯之

冢在濟陰成陽堯母靈臺在南漢章帝元和二年使

奉太牢祠堯於成陽靈臺是其處也今皆在濮之雷

澤東南

元和郡縣志堯母廟縣東南四里堯陵縣西三里堯即位至永嘉三年二千七百二十一

年紀載于碑正觀十一年禁樵採春秋奠酌

而王充乃云葬崇山墨子則

謂北教八狄道死南已之市而葬蛩山之陰蓋儀墓

爾

論衡曰堯墓冀州或云葬崇山儀墓如漢世遠郡園陵與蒼梧舜墓之類非實墓所山海經云堯葬

狄山之陽鄴善長以為非亦此類

按歐陽文忠公集古錄言靈臺碑

以為史記地志水經諸書皆無堯母墓處粵稽地志

及范書志則云成陽有堯冢靈而此碑堯母之所葬

茲欲人莫知名<sup>曰</sup>靈臺又郭緣生述征記云成陽城東南九里有堯陵陵東有中山夫人祠在城南二里蓋堯妃也東南六里有慶都冢上有祠廟而水經注言成陽城西二里有堯陵陵南一里有慶都陵于城爲西南稱曰靈臺鄉曰崇仁邑號修義其墓處明白若此惡得云無言耶然述征記在成陽東而今之所識

乃在成陽西北四十里穀林則古今疆場相出入有不同者郭氏所記乃小成陽小成陽在成陽西北五十里隸于河南有山曰成陽穀林在其下高誘注呂氏春秋云

成陽山下有穀林是小成陽以山得名乃堯墓所在有堯之故

名焉卽庸俗所謂因堯城者

鄆城東北五里有堯城竹書紀年以爲堯之末

年德哀爲舜所囚在是演義因堯城在相之湯陰又濮陽有偃朱城在鄆城西北十五里竹書謂舜旣囚

堯偃塞丹朱于此使不得見寰宇記以載言所錄不欲去蘇鄂為是丹朱息沐之所非塞之瑣語云舜放堯于平陽而山海經放勳之子為帝丹朱故劉知幾疑舜既廢堯仍立其子俄又奪之而又謂任昉記朝歌有獄基為禹囚虞舜之宮抑嘗訂之蓋其遜位之竹書而為讓國為虛語荒矣

後作游于此此宵人所以得迹其近似而誣焉漢志堯作

游成陽游都也蓋武王之牧宮漢祖之沛宮周禮所謂國游者三齊畧云廣固南有堯山巡狩之所登者頂有堯祠豈

何以龜之莊周之書極天下之譎者也其所囚哉

其讓王之說至有堯不慈舜不孝等語而未嘗有篡竊之一言使差有之周肯不言哉韓非戰國之從橫自賈者也其說疑曰姦人之事其君其諷一而語同世主說其言而不之辨則姦人愈反而說之曰古之明王非長幼弱也皆聚族逼土而求其利也因曰舜逼堯禹逼舜而自顯其名也田成子宋子罕皆是物

也嗟乎以韓非之輩猶能破其說于處士橫議之時  
而今之學士乃不能毆其惑于聖哲清明之代可謂  
智乎因三思之是蓋魏晉之事而竹書又出于魏晉  
之間則其當時逢君之臣為主分謗而附益之不言  
而論爰復偵之燕之慕容盛晉之傖囊奸義者也嘗  
稱商之太甲而以伊尹事同夷羿即敷之徒雖能初

與之較而終以屈聽更譽其言之當而今竹書果有  
伊尹放太甲潛出殺伊尹之言乃知逼於一時雷同

詭隨謂白為黑者衆矣

韓非子之說甚明蓋戰國時  
已有此妄竹書紀年仲壬即

位居亳其卿士伊尹仲壬崩而立太甲伊尹放太甲  
于桐乃自立伊尹即位太甲三年太甲潛出自桐殺  
伊尹乃立其子伊陟伊奮命復其父之田宅而中分  
之夫太甲之事見于尚書孟子此為可信故左氏曰  
伊尹放太甲而相之卒無怨色茲足明矣杜預猶以  
竹書而疑伏生之昏忘况知幾者按書太甲三年已

復政乃陳戒而作咸有一德伊尹沒太甲子沃丁葬  
之復命咎單訓尹事作沃丁伊陟相太戊作咸乂烏  
有甲立其子與三年太甲出殺之事高宗亦云先正  
保予作我先王又曰格于皇天爾尚明保予罔畀阿  
衡專美有商皆賢之之辭也夫以後王極誦休烈如  
此何有如是之妄說哉此太宗皇帝所以稱其特立  
而謂疑義之  
夫治故之事曲引而說之何不可哉知  
不可訓也

幾之妄泌請得以佐其說而盡破之母俾世迷得以  
引戈而議其後伯禹曰毋若丹朱朋淫于家用殄厥

世予創若時而史記亦曰朱絕厥世撫此附會則知  
幾之說牢矣鄉使知幾援此自證則將遂信之乎我  
無是也夫殄世者不繼世以有天下也豈絕滅云乎  
哉方堯之遜位也將遜之語先聞于岳薦之前而使  
嗣之誠已見于側微之日及其出也然後女于畎畝  
試以百為如慈親之育其子含飴褓葆由小以高大

豈若凶殘鬼類愒日玩歲處高據勢怙寵冒權而為  
偪耶舜之事官也以之微典則必使其從以之賓門  
則必使其穆逮其底績然後致自大麓格于文祖若  
蒲輪而赴京緩轡取程自邇而之遠非若輕狷少年  
不召自至衝尹突蹕蹶坑墜壑而後息也雖然犬豚  
鳧雁之徒智不足以知聖人汚自昔然矣

先聖垂教  
不俾世疑

堯舜之事二典自備顧學者自昧之舜之聰明堯實  
聞之及將使嗣位時尚在側微何有逼挾之事且舜  
之未舉也堯先以其事咨于四岳四岳不受然後舉  
舜則是未得舜之時堯已有巽禪之意足見堯心本  
不為舜而巽也知此則知聖人已知天下後世之  
有妄學而必存其始末稍疑者不以之垂世矣

而

文忠公之跋亦何足辨耶謂俗本多作城陽獨此碑  
為成陽夫成陽與城陽正自二所成隸濟陰乃古之  
成昔成王封母弟于成後遷于成之陽遂曰成陽

道

志引左傳衛師入郟即成也寰宇記并史記而城陽武王封弟季載于成之陽漢于此置雷澤縣

乃漢齊悼惠王之子章所食之國今之兗州是矣不

得為一也趙明誠黃伯思洪丞相皆有說其云廷尉某姓名磨滅據

漢廷尉仲定碑云遷廷尉卿託病乞歸修堯靈臺黃

屋三十餘而靈臺碑言濟陰太守成陽令各遣大掾

輔仲君則知為仲定矣至言漢受濡期則又以為不

知何語此蓋指言漢氏承秦之水運而已夫君子耻

一物之不知而病聖賢之失世而公以為久遠難明

之事不知不害為君子君子博學而反約今也畫路史

按路史世無善本故語多不可通而注舛錯尤甚

### 堯母

帝嘗十其妃嘗之子而皆有天下次妃曰陳隆氏產



帝堯 大戴記

帝堯之母曰慶都生於斗維之野常有黃雲覆護其上及長觀於三河常有龍隨之一旦龍負圖而至其文要曰亦受天祐眉八彩鬢髮長七尺二寸面銳上豐下足履翼宿旣而陰風四合赤龍感之孕十四月而生堯於丹陵其狀如圖及長身長十尺有聖德封

於唐夢攀天而上高辛氏衰天下歸之 宋書

沈約竹書紀年附注同上

帝堯陶唐氏祁姓也母曰慶都孕十四月而生堯於丹陵名曰放勳或從母姓伊祁氏年十五而佐帝摯受封于唐爲諸侯身長十尺嘗夢攀天而上故年二十而登帝位以火承木都平陽 帝王世紀

堯母慶都有名於世蓋大帝之女生於斗維之野常  
在三河之南天大雷電有血流潤大石之中生慶都  
長大形像大帝常有黃雲覆蓋之蔑食不飢及年二  
十寄伊長孺家出觀三河之首常若有神隨之者有  
赤龍負圖出慶都讀之亦受天運下有圖人衣赤光  
面八彩鬚鬢長七尺二寸允上豐下足履翼宿署曰

赤帝起成天下奄然陰風雨

一本無雨字

赤龍與慶都合

有娠龍消不見既視貌堯如圖表及堯有知慶都以

圖予堯

太平御覽引春秋合誠圖

其母崩去元雲入戶蛟龍守門

母為慶都也天皇之女天帝之元雲覆御

之故曰時乘六龍以御天也

太平御覽引易坤靈圖

望都縣山即堯母慶都之所居也相去五十里都山

一名互山北登堯山南望都山故名縣曰望都

地理通釋

成陽縣城南有堯慶都墓

按慶都上脫一母字

廟前一池魚頭

間有印文謂之印頰魚若非祀者捕而不得述異記

高辛次妃陸豐氏曰慶都生堯

或作陳鋒傳又言堯母為有窮氏妾

又曰帝堯陶唐氏姬姓

世謂堯生伊長孺家而姓伊祁妾也伊祁乃炎帝之姓堯

姓姬出于唐魯不為伊蓋皆以堯與炎帝俱火德王故謂堯為炎後自漢以來有是說世遂果以堯為炎

帝子孫因云姓伊祁失之世紀云慶都寄于伊長孺

家故堯從母所居為姓又云為祁氏或從母姓伊姓

非其本姓亦自辨矣稽古錄從之為祁姓誤也靈臺碑言昔者慶都北會穹精氏姓曰伊則伊其母姓爾

然亦不得為祁云

高辛氏之第二子也母陳豐氏曰慶都

史作

陳鋒

嘗觀三河之首赤帝顯圖奄然風雨慶都遇而

萌之

帝堯碑云其先出自塊隗翼火之精有神龍首出于常羊慶都受交之生伊堯不與凡等龍顏

日角眉八彩謖自侯伯游于元河龍龜負銜投鈴授與然後受命按合誠圖大帝之精起三河之州中土

辨碑堯高氏寫本

之腴流潤大石之中而生慶都于斗維之野身形長  
丈有似大帝蔑食不飢年二十寄伊長孺家觀于三  
河之首常若神隨赤龍負圓圖出慶都讀之云亦受  
天運其下圖人衣赤衣光面八彩鬢須尺餘長七尺  
二寸兌上豐下足履翼星題曰赤帝起成天下寶奄  
然陰雨赤龍與婚龍消而乳堯既乳視堯如圖及堯  
有知慶都以圖與之此事正黃雲覆之震十有四月  
類後魏序紀詰汾力微之異

而生于丹陵

見遁甲開山圖及世紀漢鉤弋夫人生  
昭帝妊身十四月上曰昔聞唐堯十四

月而生乃命所

居曰堯母門 曰堯慶都葬雷澤路史

慶都靈臺在雷澤西南灘河西岸舊有址今沒於水  
慶都堯母名帝嚳次妃陳鋒氏女沒葬於此欲人莫

知名曰靈臺

曹州府志

靈臺臺在故雷澤城西南三里地里志曰成陽有堯

冢靈臺是也

山東通志

中山夫人

帝堯娶於散宜氏之子謂之女皇氏大戴記

堯取散宜氏女曰女皇生丹朱又有庶子九人皆不

肖故以天下命舜帝王世紀

帝初取富宜氏曰皇生朱皇即女皇世本帝系漢書等云女皇生丹朱帝繫人

表作散宜氏繆堯三妃一后或云即中山夫人雷澤

縣西五十步有中山夫人祠云堯之四妃張謂舜廟

碑謂堯舜皆娶一姓也朱即嗣子朱說文引虞書作丹絳御覽世紀女瑩生丹朱非也。路史

### 郡縣沿革

雷澤城在濮州東南六十里本漢成陽故城古之邲

伯國也索隱曰邲亦作成武王封弟季戴於成其後

世遷於成之陽故名成陽漢縣亦作成陽北齊廢隋

置雷澤縣唐宋因之金省為鎮史記庖犧氏母曰華

胥履大人跡於雷澤生庖犧注云即舜所漁地曹州府志

辨譚高氏寫本

成陽城在荷澤縣東北六十里本邲國史記武王封  
弟叔武於邲應劭曰其後遷於邲之陽故曰邲陽漢  
志作城陽山東通志

李氏文藻曰其地實屬濮州漢志亦作成不作城

通志誤

按史記曰武王已克殷紂平天下封功臣昆弟封

叔武於成康叔封冉季載皆少未得封武王崩成  
王少周公誅武庚而分殷餘民爲二其一封微子  
啟於宋其一封康叔爲衛君封季載於冉冉季載  
康叔封皆有馴行於是周公舉康叔爲周司寇冉  
季爲周司空以佐成王則是叔武封成季載封冉  
記有明文而水經注引史記以爲武王封弟季載

於成者何故况季載尤成王封非武王封也路史  
引作成王之弟其繆尤甚府志所引乃踵誤說而  
又訛載爲戴不必深辨爾通志雖知成屬叔武然  
成字記不作邴惟左氏隱五年衛師入邴傳孔疏  
引史記曰邴叔武文王子武王之母弟後世無所  
見乃以成爲邴耳

又按路史疏佗紀高辛下云武王之封母弟也惟  
季載少使食於沈成王立爲司空爰封之冉曰冉  
季前則曰成伯子爵後附於齊還奔於魯而滅於

楚是誤以魯之  
成爲成國

注云成十三年之成子成肅公也

肅公恒公皆爲卿按邴卽成文王之子不詳名寔  
字記引史記武封母弟季載於成按管世家季載